

rum longa, totique Bæotiz opposita, angusto freto distat a littore. Olim Bæotiz continua fuit. Ambitus cccxv mill. patet Insula. Tritico, Leguminibus, Vino, Oleo, atq; Arboribus, imprimis quæ navibus fabricandis idoneæ, mire abundat. Metropolis fuit *Chalcis* nunc *Negropontē* de Insulæ nomine. In planitie sita est, ubi Mare in angustias arctatur. Clara hæc morte Aristotelis ibi mœrore extincti, cum causas Euripi sive Maris reciprocantis septies die ac septies nocte non posset reperire. Tametsi Sudas non mœrore animi, sed veneno ipsum extinctum prodat: Laertius morbo, Sunt præterea Vrbs *Eretria* patria *Simonidis* Poetæ Lyrici: *Caristus* Stephano *Chironia* & *Agæa*, nunc *Caristo*, Marmore olim nobilis, *Hellæa*, *Pyrrha*, *Nesos*, *Oechalia*. Scribit Strabo duos in hac Insula amnes esse, *Cerum* & *Neleum*, diversarum naturarum. Nam si animalia ex uno potent, albescit pilus eorum, alterius autem aqua pota, pellem eorum nigram reddit. Est & Euripus quem Livius *Euboicum Sinum* vocat, rapidum mare, & alterno cursu septies die ac septies nocte fluctibus invicem versis adeo immodice fluens, ut ventos etiam, ac plenis velis navigia frustretur. Mons item *Caphareus*, Græcorum ex Illo redeuntium clade nobilis, ob interfectum ad Trojam Palamedem, Euripidi Nauplii Eubœæ insulæ Regis filium.

Soli fertilitas.

Urbes.

Flumina.

Cerigo.

CYTHERA Ptol. olim *Porphyris* Plin. & *Porphyrysa* Eustathio dicta a Marmoris Prophyretici copia, quo Montes abundant: hodie *Cerigo*. Prima Maris *Ægæi* insula ad Occasum è regione Sinus Laconici. Distat a littore Peloponnesi v mill. & in circuitu patet lx. Opidum habet ejusdem nominis, ac multos portus sed parum tutos, atque circa ipsam Insulam sparsi sunt complures scopuli.

Insula.

Situs.

Opidum.

Rhodus.

SVPEREST in hac tabula Insula *Rhodus*. Hæc teste Plinio ante dicta fuit *Ophiusa*, *Asteria*, *Atthraa*, *Trinachia*, *Corymbia*, *Atabyria*, & *Macaria*. Abest ab Asia continenti xx mill. pass. Ampla est mill. cxl. Cælo temperatissimo ac clementissimo fruitur: ac Soli sacra fuit, quod nullo non die Sol eam clarus aspiceret. Ager fecundissimus, pascui imprimis mira bonitas. Fructiferis etiam arboribus affluit, quarum multe perpetuo sunt virentes. Vnicam nunc habet urbem munitissimam cognominem. Sita hæc in Orientali Insulæ parte, partim in acclivi colle, partim juxta Maris littus. Portum habet nobilissimum, ac tutissimum, ac duplici muro, altissimis turribus xlii, Arcibus v, atque aliis Propugnaculis munita exornataque admodum est. Celebris quoque olim ab Academia una cum Masiensi, Atheniensi, Alexandrina, & Tarlensi celeberrima: & Colosso Solis æneo, qui fuit septuaginta cubitorum altitudinis. Post lvi annum terræ motu prostratus, jacens quoque miraculo fuit. Pollicem ejus vix juxta staturæ vir amplecti poterat. Digiti majores erant quam pleræque statuar. Valti specus hiabant de fractis mœbris. Duodecim annis Colossus effectus est, ccc talentis: intus magnæ molis saxa disposita fuere, quorū pondere opus stabiliretur. Sultanus cccio Camelos ære hujus statuar oneravit.

Insula.

Nomina.

Situs.

Soli fertilitas.

Urbs.